

1. Ech hunn e Waffeschäin ugefrot. Lo krut ech vum Ministère e Bréif zréck, dass ech hinnen misst e Beleg schécken, dass ech eng Haftpflicht ofgeschloss hunn wou och d'Verletzungen duerch d'Schosswaffen ofgesécher sinn?

Wann dir minimum de Risiko B (privat Haftpflicht) versécher hutt, stellen mir Iech een Certificat aus dass Dir eng Haftpflichtversicherung hutt, an fir de Schued deen duerch Schoss Waffen entsteet versécher sidd.

2. Wann ech an de Schéissclub fueren mat menger Waff, sinn ech dann versécher? Och wann ech mat mengem Kolleg senger Waff schéissen? Wéi ass et mat Krichswaffen?

Wann dir minimum de Risiko B (privat Haftpflicht) versécher hutt, sidd dir fir all Waffen versécher, sief et dir schéisst mat Ärer Waff, mat der Waff vun Ärem Kolleg oder och mat Krich Waffen, dat um Wee fir an de Schéissclub oder erëm zréck. Dir sidd och am Schéissclub versécher, ausser bei Competitioun 'en do ass d 'Haftpflicht vum Schéissclub dann engagéiert.

3. Mir sinn zënter kuerzem bestuet mä wunnen nach net offiziell beieneen (net ëmgemellt), well eist Appartement nach net fäerdeg ass. Sinn ech duerch mengem Mann (Polizist) seng Assurance mat versécher?.

Des Fro bezitt sech op d 'Privat Haftpflicht. Am Prinzip musst der op der selwechter Adress ugemellt sinn wann der Iech bestuet, am anere Fall gëllt der laut Gesetz als "séparé". An deem Fall ass de Liewenspartner net iwwert d 'Haftpflicht ofgesécher. Mir hunn do di selwecht Situatioun wéi wann d 'Famill an der Scheedung ass. An deem Fall ass déi Persoun déi net méi beim "Preneur d'assurance" leeft, och net méi versécher.

Sinn an der Privat Haftpflicht matversécher all Persounen déi am Haushalt vum "Preneur d'assurance" wunnen. (Partner, Kanner, Elteren, Schwéierelteren, Brudder, Schwëster etc.)

An der Beruff's Haftpflicht ass just de "Preneur d'assurance" versécher, a kee Member vum Haushalt.

4. Ass de Schued deen mäin Päerd mécht och mat versécher ... ?

Mat der Privat Haftpflicht ass de Schued deen duerch Päerd, Hond, Katzen respektiv aner Hausdéieren entsteet, matversécher.

5. Ech hunn e Päerd. An der Woch ass en anert Meedchen, wou drop reit an nom Päerd kuckt, ass hat iwwer meng Haftpflicht och versécher?

Wann d 'Päerd ënnert Ärer Opsicht ass oder et ass bei Iech ënner gestallt, an Päerd mécht enger Drëttpersoun ee Schued, sidd dir responsabel, an ÄR Privat Haftpflicht intervenéiert.

Ass een anert Meedchen wat net bei Iech wunnt op dem Päerd reit, ass dat Meedchen, respektiv seng Elteren dofir haftbar, wann d 'Päerd enger Drëttpersoun ee Schued mécht. An dësem Fall ass d 'Päerd ënnert der Obhut vum Meedchen, an dir sidd net méi responsabel.

6. Ass de Schued deen mäin Hond mécht och versécher? Wéi ass et, wann mäin Hond een bäisst?

Mat der Privat Haftpflicht ass de Schued deen duerch Hond, Päerd, Katzen respektiv aner Hausdéieren entsteet, matversécher.

Och am Fall wann den Hond oder soss een Hausdéier eng Drëttpersoun bäisst ass versécher, mä net wann ee Member vum Haushalt gebass get, well dat ass jo keng Drëttpersoun.

7. Ech wunnen an engem vum Staat gelounten Haus (kéng Déngschtwunneng). Mäin Bouf huet mam Fussball eng Fënster a mengem Living zerschoss. Kennt eis Haftpflicht dofir op?

Neen an deem Fall kennt net ÄR Haftpflicht op, mais Dir misst jo dann normalerweis ee Risque Locataire ofgeschloss hunn, wou de Glas Broch matversécher ass, an de Risque Locataire kënnt fir dëse Schued op.

D 'Haus wat dir gelount hutt gëtt betruecht wéi wann et ÄR eegent Haus wier (objet confié) an dat ass ëmmer an der Haftpflicht ausgeschloss.

8. Ech sinn pensionéiert, wunnen am Ausland! Zielt d'Assurance RC och an deem Fall wou en Schued am Ausland entsteet ...?

Fir d 'Haftpflicht mam normale Rechtschutz ass d 'Ofsécherung weltwäit.

Protection juridique PLUS zielt nëmmen an de Memberstaten vun der Europäescher Unioun oder an de Memberstaten vun der Europäescher Associatioun vum freien Austausch.

9. Ech wunnen zesummen mat menger Frëndin an eisem Appartement zesummen. Ass meng Frëndin mat versécher, wann him eppes op der Aarbecht géif passéieren, also alles wat an sengem professionellen Beräich kéint virkommen.

Sinn an der Privat Haftpflicht matversécher all Persounen déi am Haushalt vum "Preneur d'assurance" wunnen. (Partner, Kanner, Elteren, Schwéierelteren, Brudder, Schwëster etc.)

An der Beruff 's Haftpflicht ass just de "Preneur d'assurance" versécher, a kee Member vum Haushalt.

Är Frëndin déi bei Iech wunnt ass also an der Privat Haftpflicht mat assuréiert, mä net am Beruff 's Risiko. Wann Är Partnerin och beim Staat schafft ass de Beruff 's Risiko A noutwenneg fir och am Beruff versécher ze sinn.

10. Mäin Jong ass iwwer 27 Joer al an gëtt dat nächst Joer fäerdeg op der Uni. Ech kréien keen Kannergeld méi well hien iwwer 27 Joer huet. Ass hien awer nach duerch meng Haftpflicht versécher?

Onofhängeg vum Alter, sinn an der Privat Haftpflicht all Persounen déi am Haushalt vum "Preneur d'assurance" wunnen oder ugemellt sinn, matversécher. (Partner, Kanner, Elteren, Schwéierelteren, Brudder, Schwëster etc.), also och Äre Jong iwwer 27 Joer.

11. Ech hunn e Bësch! Kënnt ons Haftpflicht och op wann Schued duerch en Bam entsteet, deen ëmfält?

An der Privat Haftpflicht ass och ee Kapitel mam Titel "RC Immeuble" wou alleguer Är Immobilien an der Privat Haftpflicht matversécher sinn, also och de Schued duerch ee Bam aus Ärem Bësch.

12. Ass mäin Jong, deen lo kierzlech aus mengem Haus erausgezunn ass, nach ënnert de Versécherungsschutz vun menger RC? Hien ass nach Jonggesell, ass Privatbeamten an wunnt an engem Appartement vun mir hei zu Lëtzebuerg?

Äre Jong ass vun do un wou hien aus Ärem Haus ausgezunn ass, net méi Member vun Ärem Haushalt an ass net méi iwwert Är Haftpflicht versécher, och wann hien an Ärem Appartement wunnt. An sengem Fall soll hien sech awer eng Privat Haftpflicht zou leeën. Mir kënnen him och esou ee Kontrakt ubidden wann och e bësselchen méi deier.

13. Mäi Fils deen nach bei mir am Haus wunnt an och nach an Schoul geet, hat den port d'armes fir tir sportif ugefrot. Lo bréicht ech eng Annexe fir Versécherung betreffend den Ëmgang mat Waffen. Ass dat méiglech fir do eng Annexe zu menger Assurance ze maachen?

14.

Äre Jong ass Member vun Ärem Haushalt, an ass do duerch och an Ärer Privat Haftpflicht mat versécher, an kann dofir och ouni Problem een Certificat betreffend den Ëmgang mat Waffen kréien. Dat ass an der Privat Haftpflicht automatesch matversécher an brauch keng Extensioun ze maachen.

15. Ech hunn e Bauterrain kaf, an wollt froen op meng RC deen automatesch mat ofdeckt, oder op dee separat muss ageschriwwe ginn?

De Bauterrain ass iwwert d 'Kapitel "RC Immeuble" wou alleguer Är Immobilien an der Privat Haftpflicht matversécher sinn, also och Är Bauplaz.

Ze bemierken ass wann der ufänkt mat bauen, ass och de Schued versécher deen duerch de Réibau un enger Drëttpersoun entsteet, mat Ausnam vun deenen Leit déi um Chantier schaffen, wann deenen eppes um Chantier geschitt ass Är Haftpflicht net zoustänneg.

16. Ass d'Assurance RC vum SNPGL och gëlteg, wann een am Ausland mat engem Boot fiert?

Jo d 'Privat Haftpflicht versécher och d 'Benotzer oder d 'Proprietaire vun engem Boot, ënnert der Konditioun, dass et kee Motor iwwert 8kW hutt, an am Fall vun engem Segelboot d 'Gewiicht ënnert 300 kg ass.

Ass de Motor méi staark oder d 'Segelboot méi schwéier ass eng Boot 's Versécherung obligatoresch (RC Navigatioun)

17. Eisen Jong geet dëst Joer an d'Ausland studéieren an wunnt während der Woch och do an engem Studio. Hien bleift awer bei ons ugemellt. Meng Fro: Ass de Jong op der Uni an der Belge mat eiser RC-Versécherung assuréiert? Oder muss ech do een Zousaz ufroen?

Äre Jong ass an deem Fall nach ëmmer Member vun Ärem Haushalt, an ass do duerch och an Ärer Privat Haftpflicht weider mat versécher, och wann hien op der UNI ass.

Opgepasst: Seng Wunneng (Risque Locatif) an der Belge ass net iwwert d 'Privat Haftpflicht versécher. Do kënnst der eng Extensioun iwwert Är Feier Versécherung maachen fir d 'Wunneng an der Belge an och seng Miwwelen an séin Computer ze versécheren.

18. Ech hat engem Kolleg säin Méitrakter ausgeléint an deem leider beschiedegt, esou dass hien huet missen den Trakter flecken loossen. Iwwerhëlt dat d'Assurance?

Wann een en "Objet" (Mäin Trakter) ausgeléint huet a beschiedegt, dat ass an der Privat Haftpflicht ausgeschloss well et dann considéiert gëtt wéi wann et Ären eegenen Trakter wier -> "Objet confié"

De Schued deem dir um Mäin Trakter mécht "Objet confié" ass net versécher, awer de Schued deem Dir mat dem Trakter un enger Drëttpersoun maacht ass versécher.

Beispill: den Schued um Trakter ass net versécher, mä wann dir mam Noper sengem Trakter, dem Noper säin Hondshaischen ëm rennt, deem Schued gëtt iwwert Är Haftpflicht bezuelt.

19. Ech hunn eng Rees gebucht, kann awer elo leider net matgoen. Hunn ech eng Reiserücktrittversicherung?

Eng Annulatioun vun enger Rees ass eng ganz aner Branche an huet absolut näischt mat enger Haftpflicht ze dinn, ass also net iwwert Är Haftpflicht versécher, do musst der schonn ee separaten Kontrakt eng "Annulation voyage" maachen.

Par konter wann eng Drëttpersoun duerchlech seng Rees net kann untrieden dann sidd Dir och dofir haftbar an dann intervenéiert Är Haft Pflicht.